



NATIONAL
DEMOCRATIC
INSTITUTE



بَلِّغُوا أَصْوَاتَنَا
مواطنو تونس يعبرون عن آرائهم
9-2 ماي 2015

U.S.-Middle East Partnership Initiative



أهداف البحث وسياقه

- تحديد مواقف المواطنين التونسيين حول مجموعة من القضايا بغية توفير معلومات أنيَّة وموضوعية للقيادة السياسية والمدنية .

تشمل المواضيع الرئيسية ما يلي:

- توجه البلاد والأولويات التي تؤثر على الحياة اليومية للمواطنين
- أداء البرلمان والحكومة
- الإنتظارات من نواب البرلمان و طرق التواصل المحبذة مع المواطنين
- أسباب التحديات الإقتصادية المتعددة والحلول المحتملة لتلافيها
- الوضع الأمني الحالي وجهود الدولة لمكافحة الإرهاب



المنهجية

- تم إعداد دليل الحوار من قبل المعهد الديمقراطي الوطني، وذلك بالتشاور مع ELKA للاستشارات.
- تم إنعقاد اللجنة التوجيهية مع الأحزاب السياسية يوم 22 أفريل.
- تُستخدم مجموعات التركيز لفهم المواقف السائدة بين مختلف الفئات الاجتماعية و من ثمّ فحصها بتعمق لمعرفة أسبابها
- بحوث مجموعات التركيز هي بحوث نوعية لا كمية
- يمكن أن تُعزى المواقف المحددة فقط للمشاركين؛ فهي عينات لا تمثل عددًا عريضًا من السكان



المَنهجية

- أجري العمل الميداني في الفترة الممتدة بين 2 و 9 ماي
- أربع مدن مُختارة: تونس الكبرى، و صفاقس، وقصرين، وبنزرت
- يتمُّ إنتداب المشاركين في خمسِ نقاطِ أخذ العينات عبر كل مدينة
- يتم اختيار المشاركين من طرف منتدبين ELKA من خلال إشراك المارة في الشارع
- معايير الاختيار:
 - ثلاث مجموعات في كل مدينة: (1) الشباب المختلط من 25 سنة إلى 34 ؛ (2) النساء أكثر من 35 سنة؛ (3) الرجال أكثر من 35 سنة
 - تمثل الهدف في ضمان التوزيع المتساوي من كل نقطة أخذ عينات



ملاحح المشاركون

• 140 مشاركا من تونس الكبرى ،
و صفاقس، وقصرين، وبنزرت

• تسعة إلى اثني عشر مشاركا في
كل مجموعة

• تنوع المهن والأعمار والأحياء
داخل كل مجموعة

العدد	الجنس
69	انثى
71	ذكر
العدد	السن
43	34-25
97	+35
العدد	المهنة
80	عامل
17	عاطل عن العمل
12	متقاعد
25	ربة بيت
6	طالب
العدد	التعليم
54	تعليم جامعي
57	تعليم ثانوي
24	تعليم ابتدائي

لمحة عن التقديم

١. توجه البلاد (وطني و جهوي)

٢. البرلمان

٣. الإقتصاد

٤. الأمن

٧. أولويات المواطن الاضافية

٦. الشباب

٧. الحكومة

توجّه البلاد

عبر المشاركون عن قلقهم إزاء توجه تونس نحو الطريق الخاطئ. فهم يشعرون بأن السياسيين الجدد فشلوا في إنعاش الإقتصاد أو في معالجة المشاكل الأساسية على غرار ارتفاع الأسعار والبطالة المتفشية. كما يتخوف البعض من تردي الوضع الأمني ومما يعتبرونه قيودا على الحريات المكتسبة خلال الثورة.

" غلاء المعيشة ماشي في الطريق الغلط. كل شي ولا غالي. إضرابات في كل بلاصة. شهرية المعلمين مليون ومازالو يعملوا في إضرابات ويطالبو بالزيادات. أي واحد يعمل إضراب لازم يطرد. ياسر ناس معاش تنجم تلقى منين تصرف." أنثى، 26، بنزرت، تعمل

" عنا برشا مشاكل لازمها تتحل. كيما السببونات والخدمات الصحية لازم تتحسن، و الكياسات لازم تتصلح، و البوليسية لازم يحكيو بإحترام مع الناس من غير ما يهينوهم" ذكر، 32، صفاقس، يعمل

" نحنا محتاجين للأمن على خاطر غياب الأمن يضر بالسياحة والإقتصاد و ياسر قطاعات أخرى. قبل جبل الشعانبي¹ كان منتزه تمشيلو العباد. توا ولا رمز الإرهاب. على أكاكأ أكثر مشكل مهم هو الأمن" أنثى، 25، قصرين، طالبة

" ما فما كان الكلام، نفسو إلي في الإعلام. وإلي في برامج الأحزاب أما الفعل يجيبوا ربي... كان ما تعطيتش للشعب أبسط حقوقو كيما التشغيل، وتحسين المعيشة والصحة كيفاه تحبهم يعيشوا؟" ذكر، 45، قصرين، يعمل

" بالنسبة للحاجات إلي ماشية في الطريق الغلط توا، المغالطات إلي قاعدة تصير في الإعلام والوعود الغالطة إلي خلاتنا نشكو في الأحزاب الكل و في كل شي. ماعنا الثقة في حتى حد وفي حتى شي" ذكر، 34، تونس، يعمل

" ربنا الحرية وخسرنا برشة حاجات. خذينا حرية التعبير وخسرنا برشا حاجات. خسرنا زادا كي نرى الأسوام الغالية. الواحد معاش ينجم يعيش، خسرنا كل شي. العباد المسؤولة وأصحاب القرارات هوما المسؤولين بالطبيعة" ذكر، 48، قصرين، يعمل

" توا معاش تنجم تعبر على رايك بكامل الأريحية والحرية. وقت الثورة ومع الترويكأ² كان عنا حرية تعبير أكثر" أنثى، 55، صفاقس، ربة بيت

¹ محمية وطنية في ولاية قصرين على الحدود مع الجزائر شهدت عمليات ارهابية في السنوات الأخيرة.

² هي حكومة تحالف بين ثلاثة احزاب تقلدت الحكم بعد انتخابات 2011 وتعرف بالترويكأ

توجّه البلاد

لا يزال يُنظر للحريات المكتسبة من ثورة 2011 كخطوة نحو الطريق الصحيح. يتجادل بعض المشاركون حول تحسن الوضع الأمني بعد هجوم 18 مارس على باردو في تونس.

" ما لازمناش نكونو متشائمين. فما حاجات باهية كسبناها من الثورة كما حرية التعبير. فما برشا حاجات كان الإعلام مخبئها علينا وما يقومش بتغطيتها. كنا نعيشو في عالم خيالي ويصورلنا في تونس على أساس انها دولة المستقبل؛ دولة التطور والإزدهار. اللي قاعدين نعيشو فيه توا هو نتيجة النظام القديم إلي كان يكذب علينا. الثورة بينت الحقيقة: البنية التحتية بان بالكاشف انها مش باهية كما كانوا يقولونا" أنثى، 51، تونس، تعمل

" بعد هجوم باردو، حسينا [الحكومة] والات حالة عيناها أكثر. لاحظت وجود البوليسية في البلايص الكل وقت إلي مشيت التونس." أنثى، 52، صفاقس، تعمل

" حسب رايي الأمن تحسن شوي علا خاطر البوليسية هما إلي معملين عليهم توا. نشوف في الدوريات في الليل وفي الشوارع متع الحي. قاعدين يخدموا ليل ونهار. علا أكاكة نظن إنو الأمن خير توا." أنثى، 35، صفاقس، تعمل

" أكثر حاجة ربحناها هي الحرية. نشوفو في الحرية في الإعلام، في حياتنا اليومية. نستعملو فيها بالغالط بالصحيح اذيكما حكاية أخرى أما المهم انا نحسو إلي نحن أحرار" ذكر، 29، صفاقس، يعمل

" أهم إنجاز هو الإنتخابات. العباد فاقت إنو الإنتخابات هي الطريق الوحيد نحو الحرية وعلى أكاكا ما عاش بش يسيبوا ألحق متاعهم" أنثى، 27، قصرين، عاطلة عن العمل

" أنا نرى إنو المواطنين تبدل تفكيرهم في ما يخص السياسة. ولآو واعين بأهمية الديمقراطية ومعاش يحبوا يرجعو للإستبداد" ذكر، 34، قصرين، يعمل

" توا العباد الكل تنجم تمشي تصلي الفجر. هذا قبل كان مش مسموح" ذكر، 48، تونس، يعمل

التوجهات الجهوية - صفاقس

يعتبر مشاركو صفاقس الوضع الإقتصادي علي رأس الأولويات خاصة التشغيل والأسعار. كما يبدون إهتماما بالبنية التحتية والتلوث ومركزية الإدارة العامة. يعتقد أغلبهم أن المدينة آمنة.

" لو كان رجال الأعمال الصفاقسية يحبوا يردوا صفاقس دبي متاع تونس راهم نجموا، أما الإستثمارات الكل في العاصمة... قبل، كانوا يقولو صفاقس العاصمة الإقتصادية أما توا معادش " ذكر، 31, صفاقس، يعمل

" لهننا نحس بالأمان. ترى البولسية في البلايص الكل" أنثى، 25, صفاقس، تعمل

" الصفاقسية هوما ورا نجاح صفاقس. لو كان ما جاتش جهود المواطنين متاعها راهي صفاقس ولات كيما أي مدينة في الجنوب" ذكر، 62, صفاقس، يعمل

" خدمت في الجهات الكل وحسب رايب ما فماش خدمات أمنية كما إلي في صفاقس" ذكر، 32, صفاقس، يعمل

" الوضع متاعنا خايب على خاطر الخدمات الكل موجودة في العاصمة. نقصد الوزارات الكل والمؤسسات الكل موجودة في العاصمة" أنثى، 27, صفاقس، لا تعمل

" المشكل متع صفاقس إنو الادارات والخدمات الكل موجودين في صفاقس سنتر. هنا هنا عملوا شوي ادارات وخدمات في المدن المجاورة" ذكر، 32, صفاقس، يعمل

" ما عناش سياحة علي خاطر ماناش كيما المدن إلي علي الساحل. الحكومة هي إلي اختارت الحياة إلي لازم نعيشوها. نعطيك مثال، ما إستمروش في السياحة، حلوا المصنع الكيميائي وحتى الهوا إلي نتنفسوه مش نظيف. على القليلة العباد إلي تسكن في الساحل ينجمو يشموا هوا نظيف" ذكر، 32, صفاقس، يعمل

" النظافة هي أولوية. وقت إلي جابو السيرك لصفاقس تفرهدنا بيه أما وقت إلي خرجنا منو لقينا كدس زبلية. قلت ال راجلي داخل السيرك كنت تقولش عليا في اوروبا وكي خرجنا رجعت ال تونس وحسيت إلي أنا في صفاقس" أنثى، 35, صفاقس، تعمل

التوجهات الجهوية - قصرين

أعرب مشاركو القصرين على استيائهم لما يعتبرونه نتاج التهميش على المدى الطويل لجهتهم، خاصة مع ظاهرة الإرهاب التي تعد الحلقة الأحدث من حلقات الظلم الموجهة نحو هذه الجهة. كما يعتبرون أن القادة السياسيين يفتقرون إلى الإرادة لمعالجة التدهور الإقتصادي والأمني للولاية.

" قصرين معروفة بمشاكلها من قبل. وتوا ولا عنا الإرهاب. ديما يقولو انهم بش يساعدو الجهة أما للأسف عنا الإرهاب. هذي حجة تتستعمل فيها الحكومة على خاطر ما عينهمش بش يساعد الجهة" ذكر، 33, قصرين، يعمل

" قصرين كي تقارنها بجهات أخرى تعرف إلي هي مش محظوظة. عانينا أيامات الثورة وما ربنا شي. نحن أكثر ناس تضرينا وما زالو يحاسبو فينا على الإرهاب أما ربي هو الأدرى شكون إلي وراه" أنثى، 36, قصرين، ربة بيت

" في القصرين عنا برشة جهات إلي مازال ما عندهمش الماء الصالح للشراب. وديما يوعدوا فينا بش يجيبوا الماء أما مازلنا نستناو. معش نجمو نتحملو الوضعية." أنثى، 25, قصرين، طالبة

" نحن عنا العقلية الإنهزامية، برشة، عنا عقلية الإستسلام. وهذي عقلية سلبية. نحسوا في رواحنا أقل من جماعة الساحل" أنثى، 36, قصرين، تعمل

" قصرين تجي في المرتبة لخرة. معندهاش الزهر. ماهيش ماخذة نصيبها من الإستثمارات وتوزيع الثروات. هي منسية." أنثى، 36, قصرين، ربة بيت

" في الدستور حاطين إنو لازم ياخذوا إجراءات في [خصوص الجهات الداخلية] أما هما في الحقيقة كلمات وأكهو. قصرين مهمشة من لول. قصرين تجاهلوا من عهد بورقيبة للزين وإلى حد تو. قصرين ديمة محفورة ومهمشة" ذكر، 53, قصرين، يعمل

" نحن مهددين بالإرهاب لهذا. مرة مشيت لسبيطار في تونس وطبيب قلبي إنت من القصرين علاش جاي لهذا بش تعدي؟ وقلبي زادة إنو انتوما إلي تعاونوا في الإرهابيين وتعطيو فيهم في الماكلة" أنثى، 55, قصرين، ربة بيت

التوجهات الجهوية-تونس

يعتقد المشاركون، في العاصمة، أن البلاد تسير نحو الطريق السلبي، خاصة في ما يخص المسائل الاقتصادية. هناك نقاش حول ما إذا كانت تونس آمنة.

"الوضعية هي بيدها في البلايص الكل. الغلاء والصعوبات والبطالة وصلوا حتى للشمال" ذكر، 32, تونس، يعمل

"فما أقل أمبوتياج وتلوث [خارج تونس]. المناخ خير والطبيعة أغنى وتنجم تعيش فيه. ممكن المعيشة أرخص الغادي. كيف كيف العباد خير وأطيب على خاطر يعاونوا بعضهم ويسنلو على بعضهم. في نفس الوقت فما تهيمش ونسبة بطالة مرتفعة والعباد ما عندهاش وسائل ترفيه... كل واحد لها عازل روحو و بابو مسكر. السخانة لها لا تطاق. وياسر معبية." أنثى، 25, تونس، طالبة

"قبل كنت نخلي باب دارى وجنينتي محلولين، وكنت نحس بالأمان. تواء، وليت معاش نخرج بأكثر من 10 الاف بش ما نتقتلش" أنثى، 63, تونس، متقاعدة

"العباد لازم تنخرط أكثر في البلديات. هاني هنا في تونس ونحس بسلبيات المركزية، فما بالك بالعباد في الجهات لخرى كفاه قاعدين يحسوا؟" ذكر، 26, تونس، طالب

"الفرق ما بين المناطق الداخلية والساحل إنو عموما العباد في الجهات ما يعيطوش للبوليس وقت إلي تصير مشاكل بيناتهم أما لها فما علاقة قوية مع البوليس" ذكر، 26, تونس، طالب

"الجريمة المنظمة قاعدة تهدد في العباد الكل. البراكاجات، خطفان النساء من رجالها في النهار والقائلة، وفما السرقات. مثال البارح راجل سرقولو موترو وقت إلي هبط يشري في طرف خبز" ذكر، 40, تونس، عاطل عن العمل

"لها فما أقل بطالة" ذكر، 32, تونس، يعمل

"من وقت الثورة، لحقيقة ما حسيتش إنو لازم يكون معايا حد بش نجم نخرج. وكيف كيف حتى حد ما ضرني. وديما نحس إنني في أمان" أنثى، 60, تونس، ربة بيت

التوجهات الجهوية - بنزرت

يقيم المشاركون في بنزرت الوضعية الحالية بسلبية، مركزين على الإقتصاد المحلي الذي يعتبرونه في تدهور بسبب غياب الإستثمار والإهتمام من قبل العاصمة.

" بنزرت هي وحدة من أهم المناطق الاستراتيجية للسياحة في تونس. الحكومة مهملتها ومركزة كان على الحمامات، وسوسة، والمناطق الساحلية لخرى" أنثى، 26, بنزرت، تعمل

كل السياسيين إلي حكموا البلاد يعتبروا بنزرت مستقرة بالمقارنة مع الجهات لخرى إلي فيها برشا مشاكل. على أكاكة حطوها في آخر أولوياتهم ... توا مهمشة من غير تطور عندها 15 سنة" أنثى، 58, بنزرت، تعمل

" بالمقارنة مع المناطق الداخلية والمناطق الحدودية بنزرت تعتبر أكثر أمن" أنثى، 58, بنزرت، تعمل

" حبيت نعمل مشروع مع شريك أمريكي. ياخي نهار شريكي جا وشاف مشكلة القنطرة المتحركة³ قالي كيفاش بش نستثمر في بلاد معملة على قنطرة؟ كل ما نتذكر القنطرة نمرض" ذكر، 47, بنزرت، يعمل

" العباد تنزح من جهات أخرى بش تجي تخدم في بنزرت. الخدم في بنزرت ماخذينهم البراينية إلي يقبلوا بالظروف الكل وولاد بنزرت قاعدين بطالة" أنثى، 34, بنزرت، عاطلة عن العمل

" كي تقارن بنزرت بالمناطق الداخلية لخرى، الوضعية لهننا خير ببرشا. أما كي تقارنها بالساحل لهننا أخيب. كان نحبو نحسنو الوضعية لازمنا نبدأو بالبنية التحتية. في 1960 و-1970 بنزرت كانت من أحسن الجهات في تونس" ذكر، 47, بنزرت، يعمل

" المشكلة متع بنزرت هي القنطرة والمستثمرين إلي يملكوا معامل لهننا هربوا من بنزرت. نتمنى يرجعوا ومعملين على الحكومة بش ترجعهم... الإستثمار هو الحل" أنثى، 29, بنزرت، تعمل

3 الجسر المتحرك في بنزرت يمتد على طول القناة ويوفر نقطة نفاذ بحرية لبحيرة بنزرت

البرلمان- الإنتظارات

يتطلع المشاركون إلى برلمان فعال يتميز بنواب مجتهدين، وشفافين، ويتواصلون بطريقة جيدة. يجب أن يقوم أعضاء البرلمان بتمثيل ناخبهم من دوائرهم الانتخابية وأن يدافعوا على مصالحهم وأن يتخذوا قرارات جريئة لحل المشاكل ذات الأولوية.

"العبد إلى وقع انتخابه نتوقعو منو بش يوصل أصواتنا. لازمو يحكي في البرلمان، مع رئيس الحكومة وفي أي بلاصة. لازمو ينفذ وعودو. عطيناها الثقة متاعنا ويعرف اش عنا واش ما عناش. لازم يحكي على مشاكلنا الإجتماعية، ويحكي على الناس البطالة، وذوي الإحتياجات الخاصة والعباد إلي ما تنجش تقري ولادها. وانشالله إلي في البرلمان لخرين يسمعوه و تخلط ميسجاتنا لصناع القرار." ذكر، 53, قصرين، يعمل

" حسب راي إلي يربط ما بين الحكومة والشعب هو البرلمان. العباد بش تعطي الثقة في الحكومة عن طريق البرلمان." ذكر، 26, تونس، طالب

" البلاد الكل في ايدين أعضاء البرلمان. عطيناهاهم أصواتنا وثقتنا بش يمثلونا. توا هنا نستناو فيهم وشنية بش يعملوا. وهذا ما يعينش إنو نحن مش راضين بخدمتهم، وانشطتهم، والإنجازات متاعهم . وحتى كان نقولو إنو ادانهم خايب هذا بش ندفعوهم انهم يحسنوه" أنثى، 51, تونس، تعمل

" النائب لازم يكون كفاء و عندو أفكار إصلاحية. لازم يكون قادرين بش يقيموا دور الحكومة ويعطيو نصائح، ويوجهوهم ويراقبوهم. الدور متاعهم لازم يكون فعال أكثر. لازم يقترحو مشاريع على الحكومة" ذكر، 33, تونس، يعمل

" نحبهم يحلو مشكل البطالة، ويرخصو في المعيشة ويشجعوا على الإستثمار" أنثى، 29, بنزرت، تعمل

" الدستور هو الإنجاز إلي عملوا المجلس الوطني التأسيسي⁴. ودور البرلمان تو بش يفعل القوانين باستعمال الدستور هذا. بالإضافة بش ينفذ برامج الأحزاب إلي ربحت مقاعد فيه. كل حزب لازم يدافع على برامجو إلي على خطرهم الناس انتخبوهم" أنثى، 58, بنزرت، تعمل

" لازمهم يكشفو الحقائق ويبينو أي أغلاط. مانيش متشائم أما منضنش كان ضميرهم بش يفيق من غير ما يتحرك الشعب" أنثى، 36, قصرين، تعمل

4 المجلس الوطني التأسيسي تم إنتخابه في 23 أكتوبر سنة 2011 وكان مسؤولا على صياغة دستور جديد للبلاد التونسية. تخلى عن صلاحياته لمجلس نواب الشعب أثر الانتخابات التشريعية في 26 أكتوبر 2014.

البرلمان- النجاحات

عبر عدد قليل من المشاركين عن رضائهم على كيفية شروع أعضاء البرلمان في عملهم.

"الخمسة شهور لخرين في القصرين كيف الخمسة سنين لخرة- حتى شي ما تبدل. أما من ناحية الأمن فما تحسن. القرارات إلي قاعدين ياخذوا فيها صحاح 100%". ذكر، 36, قصرين، يعمل

" لازمنا ما ننساوش انهم قسموا رواحهم الى لجان. اللجان هذم قاعدين يخدموا على مشاريع قوانين فما إلي منهم تعدى وفما إلي مازالوا يناقشوا فيه" ذكر، 62, صفاقس، متقاعد

" ما نحبش نولي متشائمة. فما حاجات توا خير وتحسنت. تحس فما إحترام مابين النواب قبل كانوا يطرشونا بعياطهم وعركهم. توا ولاو أكثر إحترام ويسمعوا بعضهم". أنثى، 30, تونس، عاطلة عن العمل

" قاعدين يخدموا على قانون الإرهاب. قاعدين يخططوا ويناقشوا فيه. القانون هذا ياسر مهم على خاطر بش يبني أمن البلاد وبش يجذب الإستثمارات. شكون يتجرأ بش يستمر في بلاد فيها إرهاب؟ " أنثى، 39, بنزرت، تعمل

" توا نشوفو انهم أكثر إحترام على خاطر ولا برلمان. توا والوا يخافوا على هيبة الدولة." ذكر، 25, قصرين، يعمل

" أنا راضي على النواب إلي يحضروا ويخدموا على خاطر يحيكولنا على حاجات ما نجموش نعرفها من التلفزة وإلا من أي بلاصة أخرى، كيما مثال المعلومات على مشروع القنطرة وكفاش الدراسة الأخيرة بش تحضر في أكتوبر... المعلومات هذي ما ينجم يعطيهالك كان الممثلين متاع الجهات. نحكي على إلي يحضروا مش إلي يخدموا في مصالحهم" ذكر، 27, بنزرت، عاطل عن العمل

" البرلمان الحالي مختلف على المجلس الوطني التأسيسي. فما نواب قاعدين يخدموا بلقده خاصة من المعارضة. وهذا مختلف على النواب إلي تعودوا يحضروا بش يوفقوا على كل شي. حتى العرك إلي يصير خلال النقاشات دليل على برلمان سليم" أنثى، 58, بنزرت، تعمل

" مانيش بش نحكي على شنية عملوا أم بش نحكي على شنية بش يعملوا.... لازمنا نستناو 5 سنين وبعد نقررو شنية تعمل وشنية ناقص" ذكر، 57, تونس، متقاعد

البرلمان- حالات الفشل

يقيم أغلبية هامة من المشاركين أداء البرلمان إلى حد اليوم بالضعيف حيث يصرون على أن البرلمان لم يحقق أي إنجازات ناقدين النسق البطيء لعمل هذه المؤسسة. كما عبر العديد من المشاركين عن إحساسهم بقطيعة مع البرلمان و فقدانهم الثقة به كمؤسسة.

" توا عندهم 5 شهور ملي بداو يخدموا والتو ما طبقوا أي حاجة. قاعدين يخدموا كان في مصالحهم. ماعملوا شي ونحن نحبو نشوفو إنجازات على خاطر الإقتصاد هو أهم حاجة للبلاد." ذكر، 39, تونس، يعمل

" ما نجمش نقيم العمل التشريعي إلا كي نشوف إنجازات في الواقع.... إلى حد تو ما عملوا شي يخص الإحتياجات اليومية، البنية التحتية إلى تدمرت، الماء الصالح للشرب قاعد يتقطع كل جمعة.... الحاجات هذي الكل كان تتصلح تنفع الناس مالا علاه ميحكيوش عليهم على القليلة يعرفوا كل شي قاعد يصير في الجهة" ذكر، 48, قصرين، يعمل

" ما انجم نقول كان انهم يخدموا ببطء. زادة نتمنى إنو كل النواب يحضروا النقاشات الكل على خاطر يبانو ماهمش ملتزمين" ذكر، 62, صفاقس، متقاعد

" البلاد ماشية للهاوية والنواب قاعدين يتفرجوا" أنثى، 58, بنزرت، ربة بيت

" أنا وحدة من الناس نحيد البرلمان القديم والرئيس القديم إلي كان يسرق فينا ونحن لباس. على القليلة كنا نجمو ناكلو، و نشربو، و نلبسو حوايجنا، مش كما تو" أنثى، 35, تونس، ربة بيت

" الكلو على الفلوس. وهذا يبين إنو الممثلين هاذم ما عندهم ما يعملوا مع العباد، ومع الحكومة والإ مع الدولة. يحبوا ينتخبهم بركا بش يعملو مستقبل باهي لرواحهم" ذكر، 29, صفاقس، يعمل

" الممثلين هاذم يحبوا يعاونوا الدولة بش تكذب عليك. النائب إلي انتخبو بش يمثلني، يعني بش يعاوني ويتفقدني ويساعد الحكومة، قاعد يساير فيها بركة. ما يقول شي وقت إلي وزير يعمل حاجات خايبة تضر المواطنين" ذكر، 72, قصرين، متقاعد

البرلمان: النواب

يُنسب المشاركون عددا كبيرا من الصفات السلبية للنواب. أكثرهم رواجاً: الغياب، والتفكير في المصلحة الحزبية والذاتية، والفشل في الوفاء بالوعود والتشاجر بما معناه السلوك التقسيمي.

" فما نسبة غياب كبيرة في البرلمان الأيام هدم؛ برشا كراسي فارغين، لازم يتعاملوا مع الغيابات هدم أما رئيس البرلمان وإلا الإدارة عموماً. " أنثى، 58, بنزرت، تعمل

" مفاش نقاشات في البرلمان فما كان عرك " أنثى، 29, صفاقس، ربة بيت

" خدمة نهار يشد فيها النائب شهر " ذكر، 26, تونس، طالب

" بلحق عار كي ترى القاعة فارغة وقت الجلسات العامة والنواب البرة يحوسو، وإلا يقضيو في أمورهم الشخصية وإلا يخدموا في خدمهم الأصلية كما المحامين إلي تلقاهم في المحاكم وقت تبدى فما جلسات عامة في البرلمان " ذكر، 69, بنزرت، متقاعد

" البارح النواب تعاركوا في البرلمان بالأيدي. المرة الجاية تو يضربوا بعضهم بالسلاح... عندهم برشا واجبات ومهام بش يعملوهم، أما ما قاعدين يعملوا في حتى شي. " أنثى، 63, تونس، متقاعدة

" الكراسي فارغين ماداما يمشيو وإلا لا الشهري تجيهم.... الإجتماع متاعنا اليوم خير من الإجتماعات متاعهم مداما نحن لهننا نتناقشو على حاجات مهمة. لو كان تحسب العباد إلي تحضر في الجلسات ماكش بش تلقى أكثر من 21 " ذكر، 58, قصرين، يعمل

" مفاش إنسجام ما بين النواب والكل ما يوفيووش بوعودهم... حسب ما نرى قاعدين يمثلوا علينا مش يمثلونا " أنثى، 25, صفاقس، تعمل

" فما نواب صادقين وموثوق فيهم أما فما وحدين يعطلوا في لخرين وما يخليو هومش يقدمو " أنثى، 40, قصرين، ربة بيت

" نحسو إنو النواب إلي يمثلوا فينا عندهم علاقة مع احزابهم أقوى من العلاقة مع مشاكل الجهة " ذكر، 34, قصرين، يعمل

البرلمان: التمثيلية

لا يعتقد المشاركون أن البرلمان الحالي يمثلهم فهم يرون أن السياسيين يتسمون باللامبالاة بالمشاكل اليومية التي يتعرض لها المواطنون و يعملون فقط لتحقيق مصالحهم الشخصية.

" النواب هو ما إلي يمثلوا الشعب. أما ما يعرفوش شنية الشعب يجب. ما لاهين كان بمصالحهم الشخصية ويحبوا يربحوا قد ما ينجموا. " أنثى، 37, تونس، تعمل

" أنا نرى إنو النواب كي بيهم كي بلاش. كان يخليو العباد تحكي على مشاكلهم وحدهم خير. ما عملو شي. هو ما من القصرين ووقت إلي يمشيو التونسي، ما يحكيو حتى كلمة على القصرين" ذكر، 48, قصرين، يعمل

" النواب يمثلوني أما مش برشا. واحد بالمئة نحب نقول. في بعض النقاشات، ساعات نشوف إنو فما نائب يمثلني وقت إلي يحكي على التشغيل، والصحة إلى أخره. اما نحبو نشوفو حاجات في الواقع." أنثى، 35, صفاقس، تعمل

" فما شكون جاء للقصرين وحضر اجتماعات مع عباد أما مهمتهم كنواب إنو يوصلوا صوت الشعب. ما همش سلطات قوية بش ياخذوا قرارات." ذكر، 35, قصرين، عاطل عن العمل

" فما نواب يعطيو في نص شهرتهم لأحزابهم بش يقعدوا ديما موجودين. النتيجة إنو فما بعض النواب ما يحكيوش بالكل بش يدافعوا على مصالح جهاتهم. نتذكر إنو في البرلمان إلي فات نائب واحد حكي على فتطرة بنزرت. بربي وين كانوا السبعة لخرين؟ فما نواب ما يحكيوش جملة." ذكر، 66, بنزرت، متقاعد

" تو هما في البرلمان ويخلصوا 4 وإلا 5 ملايين كيفاش تحبهم يحسوا في إلي نحسو فيه. تو زعمة فما واحد فيهم يخم فينا؟ " ذكر، 25, قصرين، يعمل

" لو كان النواب يسيبو القفصات الذهبية متاعهم ويهبطوا يعيشوا في الواقع. لازم يسيبو بيرواتهم وينحيو كساويهم وكرافاتهم ويهبطوا يعيشوا مع الشعب الزوالي بش يعرفوا ظروف العيش متاعو.... هو ما منتخبينهم الشعب يعني لازم يخدمونا" أنثى، 58, بنزرت، تعمل

البرلمان- إنطباعات المشاركين على النواب من دوائرهم الإنتخابية

اظهر المشاركون وعيا قليلا فمتوسطا بنواب دوائرهم الإنتخابية حيث يرى العديد من المشاركين أن نواب دوائرهم لا يمثلونهم بل يعتقدون انهم يبجلون مصالحهم الشخصية والحزبية على إحتياجات ناخبهم.

" أنا في صفاقس 2 5 ومنعرفش شكون يمثل فيا. مذيبا لو كان يعملونا برنامج في التلفزة بش نعرفو هوم أكثر. نحبو نعرفو شكون يمثل فينا، تاريخو، وين كان قبل الإنتخابات. ينجمو يعملوا هذا حتى في شكل سبوت وإلا اجتماعات" ذكر، 32, صفاقس، يعمل

" نحن صوتنا للنواب بش يحكيو على مشاكلنا في البرلمان. لو كان واحد فيهم عمل أكادا تو يولي شجاع.... لو كان خدم بلقده تو يولي بطل" ذكر، 25, قصرين، يعمل

" نحس انهم يمثلوني وقت إلي نراهم يخدموا على أرض الواقع. يعني وقت إلي نسمع إنو نائب وإلا والي مشا للسوق بش يسأل على الظروف" ذكر، 29, بنزرت، يعمل

" وقت الحملة نشوفو في النواب كل يوم حتى ولينا نخممو إنو ممكن يطلعونا في الحلم أما بعد ما إنتخبناهم إختفاو ومعاش فما تواصل بينهم وبين الناخبين متاعهم! نحب كل نائب يعمل إجتماع شهري مع الناخبين في دوائرهم الإنتخابية ويقول شنوا إلي عملوه" ذكر، 26, تونس، طالب

" حتى النائب إلي إنتخبناه وإلي مفترض يعمل حاجة طلع بخيل.... لازمو يكون ناشط مش قاعد بركة ويتفرج في النواب لخرين وهو ما يتعاملو مع مسائل التنمية والإستثمار متاع جهاتهم" أنثى، 36, قصرين، ربة بيت

" [نواب القصرين] لازم يحكيو. منعرفوش حتى أساميههم و لا نلاحظو وجودهم في البرلمان. ما سمعنا شي على انجازاتهم" أنثى، 36, قصرين، تعمل

" النواب يمثلوني أما النسق متاعهم ياسر بطيء. هوا حاجة عادية بعد كل ثورة إنو الخمسة السنين لولانين يكونو صغاب. النواب في بالهم بهذا، ممكن مش الكل. لهنّا في بنزرت فما 5 وإلا 6 نواب من أصل 10 إلي واعين" أنثى، 29, بنزرت، تعمل

البرلمان- أساليب التواصل

رغم خيبة الأمل الحادة من البرلمان، إلا أن المشاركين عبروا عن انفتاحهم لمزيد التواصل مع النواب و هم قادرون على تخيل وضعيات تواصل محتملة. كما يترقبون إلى فرصة التحدث المباشر مع النواب. لتسهيل عملية التواصل، يقترح المشاركون على النواب أن يعينوا فريق عمل في دوائرهم الانتخابية أو أن يكونوا لجان استشارية متكونة من المواطنين.

" لازم على النائب إنو يسمع الشعب، ويحكي على شنية ماشي باهي و شنية ماشي خايب، ويسمع اقتراحاتهم. في الحالات هاذي لو كان كل نائب يخم إنو يعمل تحسنات بش يكون مشكور على هذا. وكان ما عمل شي يكون مشكور إنو سمعنا." ذكر، 62, صفاقس، يعمل

" نتمنى لو كان كل نائب عندو سكريتارو الخاص إلي ينظمو اجتماعات مع العباد... فما أيامات يكون فيهم مشغول بالبرلمان أما فما أيامات إلي يبدا فاضي فيهم وينجم يسمع العباد إلي صوتولو" ذكر، 59, بنزرت، يعمل

" كل ممثل لازم يعمل لجنة تتكون من 15 إل 20 عبد ويعطيهم أدوار يقوموا بها حسب الجهات. العباد هذم لازم يحكيو مع الشعب ويسمعوهم و ينسقوا بينهم وبين الممثلين. لو كان نحب نقابل حد في البرلمان، كفاش لازمنا نعمل هذا؟ ياخي أنا ما عندي ما نعمل بش نقابلو؟ تي هاني نخدم الوقت الكل؟" ذكر، 48, تونس، يعمل

" لازم مرتين في العام النواب يقابلو العباد إلي صوتولهم ويناقشوا معاهم الوعود إلي وعدوهم بهم" أنثى، 58, بنزرت، تعمل

" ثلاثة جمعات التالي عملنا إجتماع مع المجتمع المدني بش نتناقشو على 4 مشاريع واقفة في بنزرت. فما نائب واحد إلي يعاون فينا وإلي يعطينا في المعلومات اللازمة من البرلمان. ونهارت الإجتماع كان روز نواب حضروا. وينهم الباقية؟" ذكر، 27, بنزرت، يعمل

" الخدمة متاعهم ماهيش ساهلة. لازمهم مكاتب في الجهات الكل بش ينجمو يقدموا أداء باهي ويتوصلوا مع الناس بطريقة باهية." أنثى، 31, تونس، عاطلة عن العمل

" النواب لازم يبادرو؛ ما لازمهمش يستناو المنظمات بش يعيطولهم . لازمهم وحدهم يتوصلو مع الناس في الأسواق، في الديار، في الحوانت. لازم يتحملوا مسؤولياتهم." أنثى، 28, بنزرت، طالبة

البرلمان- المعلومات

يُبدى المشاركون عموماً رغبة في تلقي المعلومات حول البرلمان، مشيرين إلى تراجع هذه الرغبة بالمقارنة مع المجلس الوطني التأسيسي. أظهر المشاركون شكاً في دقة التقارير الرائدة لعمل البرلمان خاصة الواردة في وسائل الإعلام.

" في جرة غياب التواصل ما بين الشعب والنواب، الطريقة الواحدة إلى بش نعرفو بيها معلومات عليهم كان الإعلام. أما الإعلام ساعات يكون منحاز. ماهمش قاعدين يعطيو في الحقيقة. نعرفو شنية هما قاعدين يحبوا يوصلونا." أنثى، 58، بنزرت، تعمل

" الموقع الرسمي متاع البرلمان مهوش محين. وهذا يعكس صورة خيبة على بلادنا على مهوش ديمة محين وما فيهوش معلومات كافية. آخر حاجة حطوها في السيت عندها 4 أيام التالي بالرغم إنو الحكايات هذي لازم تصير كل يوم.... فما ديمة تضخيم. نعطيك مثال وقت الي تعمل بحث على سيرة نائب تلقاهم يضخمو في الواقع ويحب يردوه حضرة كبيرة. حسب راياي يعملوا هاكا بش يكذبوا بعد على الميزانية والطرق إلي يصرفوا بهم وبيانو صادقين." أنثى، 25، تونس، طالبة

" بالنسبة للبرلمان القديم تابعتو وتابعت النواب الي فيه إما بالنسبة لجديد هذا ما عندي عليهم حتى فكرة. أنا ياسة وما عنديش أمل. قبل كنت نتفرج فيهم في التلفزة أما توا مانيش عارفة حتى فاش قاعدين يعملوا وإلا فاش قاعدين يقولو" أنثى، 36، قصرين، ربة بيت

" الصحافة في البرلمان ماهيش تعمل في الخدمة متاعها. مهمش قاعدين يوريو فينا حتى حدث مثال تنقيح القوانين. قاعدين يوريو فينا حاجات تافهة.... لازم يكون فما موقع رسمي بش يوريلنا الأنشطة متاع البرلمان." ذكر، 47، بنزرت، يعمل

" قبل كنت مهتم. في لول كنا متفائلين للمستقبل وكنا نستناو في مفاجآت. بعد تعدات السنين ونفس اللعبة قاعدة تتلعب على أكاكنا فقندنا الأمل. معادش متفائلين ومعاش عينا بش نتابعو" ذكر، 62، صفاقس، يعمل

" لا مفاش شفافية. ماداما فما نفاق وحكايات مخبية منجموش نحكيو على الشفافية" أنثى، 25، صفاقس، تعمل

البرلمان- دور الأغلبية

يتمثل دور الأغلبية البرلمانية حسب رأي المشاركين في تكوين الحكومة، وسن القوانين، و الشروع في الإصلاحات.

" دور الأغلبية هو انها لازم تتعاون مع الحكومة بش يسنو قوانين ويردوهم فاعلين" أنثى، 27, صفاقس، عاطلة عن العمل

" كل حزب تو عند موقف مختلف. لازمهم يناقشوا مخططاتهم مش موافقهم. مازال عندهم خمسة سنين أخرى بش يخموا مليح في موافقهم" أنثى، 58, بنزرت، تعمل

" دور الأغلبية في البرلمان هو بسيط على لخر.... لازمهم يناقشوا أي حاجة تابعة المصالح الوطنية. كأعضاء برلمان، لازم يكونوا وطنيين بما فيه الكفاية بش يتلهاو بمصالح العباد. انك تكون في برلمان لمدة 5 سنين هذا يعني إنو واجب أخلاقي. ماهوش صفقة بش يعملوها. هي مسألة منطق، وأخلاق وإنسانية ! لازمهم يحترموا العباد إلي صوتتلهم. لازم يتلهاو بالعيالات إلي تشردت والشباب إلي ولاو ضحية. لازم يخممو في مستقبل الناس هاذم. لازم يفكروا في الشباب إلي بطل القراية وولاو مدمنين دروغ وإنحرفو. النواب هاذم لازم يكون عندهم المينيموم من درجات الإنسانية والنية الصافية، ولانهم ينفدوا البلاد. على خاطر صعيب على البلاد بش ترجع استقرارها إلي كان." ذكر، 50, صفاقس، يعمل

البرلمان- دور المعارضة

ينتظر المشاركون من المعارضة أن تخلق التوازن مع الأغلبية، ومراقبة عملها بطريقة نزيهة، وإقتراح أفكار بديلة و بناءة.

" العادة تقول إنو المعارضة هي إلي تخلق التوازن مابين الحكومة والبرلمان وهذا مش الحال بالنسبة التونسي. " ذكر، 29, صفاقس، يعمل

" دور المعارضة يتمثل في خلق التوازن في البرلمان. مثال المعارضة عندها دور هام في سن المصادقة على القانون لمكافحة الإرهاب بعد الهجوم على باردو. " أنثى، 52, صفاقس، تعمل

" حسب رايب المعارضة، بغض النظر على الحزب إلي تمثلوا، هي حزام الأمان التونسي. على خاطر المعارضة تمثل الإختلاف وهي بمثابة الحارس. وزيد إنو في المعارضة فما ناس اختصاصها القانون. هوما العين الساهرة إلي تعس على النواب إلي انتخبهم الشعب" أنثى، 51, تونس، تعمل

" المعارضة لازم تركز على حل المشاكل الحالية. لازمهم يوقفو جبدان الدوسيات القديمة. نحبهم يحققوا حاجات ملموسة. " أنثى، 35, صفاقس، تعمل

" المعارضة قاعدة تعاون فينا بش نفهمو شنية صاير. وقت إلي نتفرج فيهم في برامج تلفزة نفهم حاجات مكنتش فاهمتها قبل. وهذي حاجات باهية حتى لو كان ما نتفاهمش مع المعارضة. " أنثى، 52, صفاقس، تعمل

" وقت الحزب الحاكم يقول انو بش يعمل حاجة، لخرين ما لازمهمش يرفضوها قال شنية الحزب هذا ما حقوش يحكم. لازمهم يناقشو المخططات. هذا ينطبق على كل المخططات المتعلقة بالتعليم والصحة. المخططات هي إلي لازم تتناقش، مش الحزب إلي اصدرها. لازمهم ما يحيكوش على مواقفهم. " أنثى، 58, بنزرت، تعمل

الحكومة- النجاحات

يرى المشاركون أن الجهود الاستباقية التي بذلتها الحكومة في الجانب الأمني هي من أهم إنجازاتها خلال المئة يوم الأولى. يثمن عدد قليل من المشاركين الزيارات الميدانية في كامل البلاد التي قام بها أعضاء الحكومة. يدعو البعض من المواطنين إلى مزيد من التحلي بالصبر قبل الحكم على أداء الحكومة.

" وزير الداخلية ووزير الدفاع قاعدين يتحسنوا. وهوما الواحدين إلي قاعدين يخدموا في هالبلاد." أنثى، 26, بنزرت، تعمل

" نحب نحبي وزير الداخلية ووزير الدفاع على ادانهم المتميز. بالنسبة لبقية الوزراء الكل ادانهم ضعيف. " أنثى، 51, تونس، تعمل

" الحكومة هذي عندها الرغبة السياسية بش تحارب الإرهاب على عكس الحكومات السابقة" ذكر، 32, صفاقس، يعمل

" [الحكومة] نجحت في قتلان الإرهابيين" أنثى، 60, تونس، ربة بيت

" الحكومة هذي عندها سياسة؛ المليتر قاعد يضرب في الإرهاب في الجبولات مش كان في البلايص المحيطة بيهم" ذكر، 31, صفاقس، يعمل

" حبيب الصيد قاعد يخدم بلقدا. قاعد يمشي البرشا بلايص. حضر إل ياسر أحداث مهمة في البلاد. وقاعد يقبل في المواطنين." أنثى، 58, بنزرت، ربة بيت

" [الحكومة نجحت زادة] في ما يخص التواصل. فما وزراء، كما الصناعة والتجارة، إلي قاعدين يعمل في زيارات ميدانية بش يعرفو الوضعية عن كئيب." ذكر، 62, صفاقس، متقاعد

" مازال عندهم الوقت... 3 شهور ماهيش كافية بش نقيمو خدمة الحكومة." أنثى، 45, صفاقس، ربة بيت

" الحكومة هذي قاعدة تواجه في برشة مشاكل وعندها صعوبات ثقيلة. على أكاكنا لازمنا ندعمو الحكومة هذي ونشدوا من العزائم متاعها بش تتطورو وتتحسن. حتى واحد مهوش كامل والحكومة قاعدة تعمل في إصلاحات." ذكر، 60, تونس، يعمل

الحكومة- حالات الفشل

يجزم معظم المشاركين بأن الحكومة لم تقم بأي إنجازات ملموسة إلى حد الآن. متحججين التعامل السلبي للحكومة في معالجة أهم المسائل، خاصة منها الاقتصادية، كما فشلت في التنسيق بشكل فعال بين الوزارات.

" الحكومة فشلت في 100 يوم لولة إلي هي كانت أجل بش يحدو من البطالة، ويجذبو المستثمرين، ويرخصو في الأسواق" ذكر، 33، بنزرت، يعمل

" صحيح إنو [الحكومة] قاعدة تحارب في الإرهاب أما نحسو انها انها مركزة على هذا بش تنسينا في مشاكلنا على خاطر ما عندهمش حلول للبطالة وإرتفاع الأسعار." أنثى، 27، صفاقس، عاطلة عن العمل

" ماناش قاعدين نشوفو في حتى استثمارات. وزير التجهيز جا و عمل زيارة وما رينا منو شي.... عمل إجتماع مع الوالي ومشى من غير ما يحكي مع السكان متاع القصيرين" ذكر، 34، قصرين، عاطل عن العمل

" الحكومة لازم تخدمكم بأكثر جدية وتتخذ حلول و قرارات صارمة وتكون بطريقة علانية وأكاكة نجمو نبنيو الثقة بيناتنا. وقتها تو يولي المواطن صبور ويستنى الحكومة حتى لين تلقى حلول" أنثى، 33، بنزرت، عاطلة عن العمل

" الحكومة ماهيش قاعدة تتدخل في ياسر حاجات بسرعة وقاعدة تشوف في الوضعية تسوء وتصعب.... ما فماش حلول فعالة، ما عندهاش أفكار، وما فماش جراءة." ذكر، 33، تونس، يعمل

" الحكومة ما عملت شي. وإلي قاعد ماشي بالباهي مهوش من جرة الحكومة. الأمن مثال قاعد يتحسن مش على خاطر الحكومة أما على خاطر البولسية متحمسين على خاطر زادوهم في الشهرية." ذكر، 27، بنزرت، عاطل عن العمل

" كل وزير يعطي في برنامج مختلف. ما فماش تنسيق ووحدة ما بين مختلف مكونات الحكومة. كل وزارة منفصلة على اخرى. نحتاجو إلى مخططات فيها أهداف محددة على فترة زمنية محددة و توصلنا إلى نتائج واضحة." ذكر، 26، تونس، طالب

الإقتصاد- الآراء العامة

يلاحظ جل المشاركين تدهور الإقتصاد على المستوى الوطني والمحلي. أهم الأولويات هي الحد من البطالة والتضخم. كما أبدوا اهتماما بقضايا الفساد، والأعتصامات، وغياب التنمية. هناك إجماع حول ضرورة زيادة الجهودات الحكومية لمعالجة هذه القضايا.

" الأولوية متاعنا لولة هي تخفيض الأسعار. توا ولا صعيب علينا بش ندفعو مصاريفنا." أنثى، 58, بنزرت، متقاعد

" في قصرين عنا أكبر إقتصاد متاع قهاوي. العدد متاع القهاوي وين ماشي ويزيد. كل يوم تتحل قهوة جديدة. العدد متاع البطالة قاعد يرتفع وعلا اكاكا ما تلقاهم كان في القهاوي." ذكر، 25, قصرين، يعمل

" نتمنى نلقا خدمة قبل ما نموت." ذكر، 33, قصرين، عاطل عن العمل

" [في بنزرت] عنا مشاريع معطلة واخرين صعيب كان يتنفذو. لو كان هالمشاريع يتحققوا ينجمو يخدمو البطالة الكل" ذكر، 33, بنزرت، يعمل

" الإقتصاد في صفاقس في وضعية صعبية. ما فما حتى صاحب مشروع يتجرأ إنو يجي لصفاقس ويستثمر فلوسو فها. السبب وري هذا إنو هلمستمرين خايفين من المستقبل على خاطر تنجم تجيهم فترة ويحبسوا فها. فما خوف من الريسك." ذكر، 62, صفاقس، يعمل

" القطاع الخاص مهوش متعاون مع الدولة فيما يخص مشكل البطالة. القطاع العمومي ما عندوش فرص. لازمك تستنى للمناظرات الوطنية. ترا برشا ناس مقدمة طلباتها وفي الخير ما يهزوا كان واحد وإلا إثنين." أنثى، 27, صفاقس، عاطلة عن العمل

" [الحكومة] لازم تلعب دور أكبر. لازم تلقا حلول إلى كل المشاكل الإقتصادية إلى يوجهوا فها. لازم تعرف كيفاش ترجع البلاد للطريق الصحيح." أنثى، 52, صفاقس، تعمل

" العباد إلى في السلطة لازم تحاول تلقى حل. لازم يعدلو الأسوام ويرشدو القدرة الشرائية عند المواطنين." أنثى، 42, صفاقس، ربة بيت

"

الإقتصاد- البطالة

يتمثل السبب الرئيسي للبطالة حسب رأي المشاركين في النظام التعليمي دون المستوى حيث ينتقدون فشله في مطابقة متطلبات سوق الشغل. ينسب البعض الآخر البطالة لإعتماد تونس الزائد على القطاع العام وتقلص ثقة المستثمرين.

" سبب البطالة هو إنبو عنا نظام تعليمي مهوش مطابق لسوق الشغل. فما عباد تتخرج من شعب ما يحتجلهاش سوق الشغل." أنثى، 27، صفاقس، عاطلة عن العمل

" كل ما تزيد تقرا كل ما يصعب عليك انك تلقا خدمة. تقرا بش تهرب من البخل. تقعد باهت." أنثى، 33، بنزرت، عاطلة عن العمل

"العباد إلي تخدم لازم ما عادش تلوج على الزيادة ماداما فما عباد أخرى بطالة." أنثى، 27، قصرين، عاطلة عن العمل

" المستثمرين وقفوا تعاملهم مع تونس على خاطر خايفين من السرقة والعنف والإرهاب. كل هذا أدى إلى إرتفاع نسبة البطالة." أنثى، 63، تونس، متقاعدة

" السبب الرئيسي ورا البطالة هو الفساد. تنجم تلقى خدمة نهار بعد ما تتخرج كان تعطي رشوة وقت إلي نجم نعطي مطالب لمياة خدمة ومناظرة وما نحصل شي." ذكر، 58، قصرين، يعمل

" الحكومة معادش قادرة انها توفر مواطن شغل. على اكاكا الشباب لازم يخدموا في القطاع الخاص." أنثى، 51، تونس، يعمل

" علاش ما يعطيوش للشباب قروض بش يخليوهم يخدموا ويقتلوا الوقت خير ملي يقعدوا خاملين؟ 1,500 دينار كبداية بش تخدم خير ملي تعدي الوقت في القهوة ما تعمل شي." أنثى، 36، قصرين، ربة بيت

" كفاش لازم الشباب يبدا؟ علاش الدولة ما تتدخلش بش تعطي امتيازات لباعثي المشاريع الشباب؟" ذكر، 45، تونس، يعمل

الإقتصاد- التضخم

يعتقد المشاركون أن ما يتسبب في التضخم هو التهريب والإحتكار وارتفاع مصاريف الإنتاج. هناك إلاح شديد على تدخل الدولة لتلعب دورا أكبر في مراقبة الأسعار وتخفيضها عند لزوم الأمر.

" أسباب التضخم هي إرتفاع كلفة الإنتاج، والوسطاء والإحتكار والفساد والتهريب. لازم تكون فما إجراءات عاجلة واردة بش نواجهو المشكل هذا. لازم تتكون لجنة متاع مشرفين داخل وزارة الإقتصاد بش تحل المشكل هذا." أنثى، 63, تونس، ربة بيت

" التضخم متسبب من قلة الإنتاج. السبب ورا إرتفاع الأسعار هو الإحتكار. رجال الأعمال قاعدين يحتكروا في بعض المنتوجات بش يبيعهم بسوم أغلى. يعني الحل انهم يقويو الإنتاج ويحاربو الإحتكار." ذكر، 34, قصرين، يعمل

" كثرة الوسطاء ما بين المنتج والمستهلك هي إلی تتسبب غلاء الأسعار وخيابة الجودة." أنثى، 25, تونس، طالبة

" السبب ورا التضخم هو المضاربة. السوق مهيمن عليه رجال الأعمال الكبار. يخبيو في ستوكات متاع السلعة ساعات يخبيو اللحم في فريفقوات بش يتحكموا بعد في الأسعار." ذكر، 68, بنزرت، متقاعد

" ما تخليوناش ندخلو في دائرة فارغة. وقت إلی تتزاد الشهاري، الفلاح يغلي في صوم الخضرة ووقتها الخدمة يطلب زيادة. وقت العرف يقوي في شهريتو الفلاح يغلي في أسوامو والخدام يطلب أكثر وديمة يمشي. الحل إنو نجمدو الشهاري والأسوام لفترة من الوقت" ذكر، 47, بنزرت، يعمل

" وقت إلی حكة طماطم تطلع من 1.7 إل 2.5, لو كان يتفقوا المواطنين الكل ويتحدوا ومعايش يشريو الطماطم هذي جمعة كاملة. هكا الحكومة تولي تهبط في السوم متاعها." أنثى، 34, بنزرت، عاطلة عن العمل

" الحكومة لازم تدفع نسبة من سوم المواد الأساسية بش أكاكا تولي رخيصة علينا" ذكر، 32, صفاقس، يعمل

الإقتصاد- نقص الإستثمار

من بين العوامل التي يرى المشاركون أنها تقف في وجه المستثمرين التونسيين والأجانب هم إنعدام الأمن، وعدم الإستقرار الأمني والإضرابات. يدعو المشاركون الحكومة إلى تحسين الظروف لجلب المستثمرين.

" فترة الإنتقال إلى تعدينا بها، وزيدها غياب البنية التحتية الجيدة، والتهديدات الإرهابية ومتطلبات الأسواق العالمية، الكل يصدو في المستثمرين. " أنثى، 58, بنزرت، تعمل

" نتيجة الإجراءات الإدارية [تحد في الإستثمار]. بش تطع ورقة لازم تتعدى ب-20.000 إجراء" ذكر، 26, تونس، طالب

" حسين العباسي⁶ ماهوش هو إلي يحكم. القواعد تحكم. يعملوا إضراب وقت إلي يحبو. أكثر من 1800 شركة نقلت للمغرب بعد الثورة من جرة عدم الإستقرار الإجتماعي. 600 منهم متاع أصحاب شركات توانسة." ذكر، 66, بنزرت، متقاعد

" بالنسبة للإستثمار المحلي، نظن إنو أكبر عائق هو الإتحاد⁷. بالنسبة للإستثمار الأجنبي هي مسؤولية الجميع. لازمنا نوفرنا الأمن بش نشجعوا على الإستثمار الأجنبي ونحثو الشباب بش يخدم" أنثى، 40, صفاقس، ربة بيت

" لو كان جيت غني، زعمة كنت نجم نستثمر في مشروع. كنت بش نخاف من العمال إلي بش يعملو إضراب وإلا إلي كونو تحالفات، وإلي بش يوليوا يقرأوا قوانين ويجيو ويعملوا إضرابات. مانيش بش نتجرء نستثمر 20 مليار في شركة ممكن تفلس بعد كيما الشركات لخرين الكل." ذكر، 62, صفاقس، يعمل

" الدولة تلعب دور هام في توفير الإستثمارات ولازمها تشرف عليهم. إنو فما ارهاب ما يعينش إنو لازم نخاليو الناس تموت الدولة لازم تتحمل مسؤوليتها خاصة في المناطق الداخلية إلي هو ما منسيين ومهمشين" ذكر، 36, قصرين، يعمل

" مازلنا نستناو في إجراءات تشريعية- إصلاحات في مجلة الإستثمارات، والضرائب، إلا اخره. لو كان الإصلاحات هذي تصير الوضعية تو تولى خير والمستثمرين تو يجيو أكثر." ذكر، 34, قصرين، يعمل

6حسين العباسي يشغل منصب الأمين العام للإتحاد العام التونسي للشغل منذ سنة 2011 (أوائل حروف الكلمات باللغة الفرنسية UGTT)
7الإتحاد العام التونسي للشغل (UGTT)

الإقتصاد- الفساد

يلقي المشاركون اللوم على موظفي الدولة والمواطنين لمساهمتهم في الفساد معتقدين أن حل المشكل يكمن في تغير عقلية التونسيين. هناك إلحاح شديد على ضرورة المراقبة، والشفافية والمساءلة.

" [إلى يتسبب في الفساد] غياب الضمير متاع موظفين القطاع العام وكيف كيف القطاع الخاص. صحة الضمير لازم تبدي من علاقة الأستاذ بالتلميذ" أنتى، 36, قصرين، تعمل

" إلى يخدموا في القطاع العام ماش ينجمو يوفرو حتى شي لعائلاتهم، على اكاا وقت إلى يلقاو طريقة بش يربحوا بها فلوس حتى لو كان هذا بش يوصلهم للفساد" أنتى، 27, صفاقس، عاطلة عن العمل

" المشكل جاي من العباد إلى تخدم في الإدارات والشعب. الشعب بيدو يشجع على الفساد وقت إلى يقبلوه" أنتى، 35, صفاقس، تعمل

" المواطن يلعب دور كبير في تشجيع الفساد. يعطي رشوة بش يطلع وراقو حتى لو كان الموظف المسؤول على هذا ما يطلبش. في السببيلات زادة العباد تعطي رشوة بش ما يشدوش الصف. المواطن لازم ما عاش يعطي الرشوة وكان أي حد طلب منو بش يعطي لازم يشكي" ذكر، 38 ، قصرين، يعمل

" المشكل مع القضاء. مش قاعد يعمل في خدمتو بلقده. لو كان جينا نعرفو شنية العقاب وقت إلى تسرق وإلا تعطي رشوة راهو ما عملهاش." ذكر، 47 ، بنزرت، يعمل

" حسب رايب كل مواطن لازم يبلغو وقت إلى يشوفوا أي نوع متاع فساد. لازم يحاربو على خاطر حقوقهم بالقانون ولازم ديما يطالبوا بحقهم إلى لازم ياخذوه" ذكر، 33, تونس، يعمل

" أن نحب نعلق على اقتراح تخفيض الأسعار بش إلى يخدموا ماعدش ياخذوا رشوة. ما نطنش إنو هذا الحل. لازمنا نعالجو المشكل بطريقة أخرى على خاطر العباد إلى تاخو في رشوة بش تبقى تاخو في الرشوة في كل الحالات" أنتى، 25, تونس، عاطلة عن العمل

الإقتصاد- الإقتصاد الموازي

يرتبط الإقتصاد الموازي إرتباطا وثيقا بعمليات التهريب عبر الحدود، والتي يعتقد المشاركون أنها ممكنة جراء الفساد على الحدود وفي الديوانة. إلا أن العديد من المشاركين يرون أن الإقتصاد الموازي يلعب دورا أساسيا في توفير الوسيلة الوحيدة لكسب العيش بالنسبة لبعض المواطنين ويمثل طريقة لتفادي إرتفاع الأسعار بالنسبة للمستهلكين.

" الفساد إلي في القطاع الأمني هو سبب رئيسي وراء الإقتصاد هذا. لو كان مجاش أعوان الأمن ياخذو في الرشوة، راهو مفاش إقتصاد موازي." أنثى، 58 ، بنزرت، ربة بيت

" الديوانة ياكلوا، تجي كميونة كبيرة للدبو و تهبط الدخان وتجي البنزرت إل واحد مهبط ساك متاع دخان ب-500 دينار تفكوا وتحجزلو سلعتو" ذكر، 68 ، بنزرت، متقاعد

" الحكومة مش قاعدة تلقا في حلول للإقتصاد. تحب تقضي على الإقتصاد الموازي من غير ما تلقى حلول" ذكر، 33 ، تونس، يعمل

" الإقتصاد الموازي كارثة للبلاد أما باهي للعباد الزواولة إلي يمشييو للمرشيات الشعبية على خاطر ما ينجمش يشريو المثخم. هذي عقليتنا: ميهمنيش ماداما هذا مش قاعد يضر فيا أنا. كان تحكي مع زوالي على الحكاية هذي تو يستعمل حجة " رخيصة" بش يبرر موقفو من تشجيع الإقتصاد الموازي" أنثى، 27، بنزرت، عاطلة عن العمل

" المواطنين لازم ما يشجعوش التجارة غير القانونية. لازم معاش يشريو سلعة متاع المرشيات الموازية على خاطر هذا يضر الإقتصاد الوطني" أنثى، 27، صفاقس، عاطلة عن العمل

" العباد عندها ألحق [كي تشري سلع مهربة] على خاطر ما عندهم كفاه يعيشوا. ما عندهم دخل وما ينجمش يصرفوا في تونس. الحكومة لازم تخلق فرص عمل بش العباد تبطل التجارة في النوار" ذكر، 34، قصرين، يعمل

" الحل في خلق مواطن الشغل. لو كان يعملوا هكا، وقتها يولي عندهم ألحق بش يحاسبونا كان خدمنا في التجارة الموازية. لو كان البوليس بش يشدني بش يلقا كان مراول وصبايط وريحة. لازمني نخدم هكا بش نجم نعيش. هذا مورد الرزق الوحيد إلي عندي." ذكر، 33، قصرين، يعمل

الأمن- الآراء العامة

أن الحكومة كانت استباقية في تعاطيها مع الشأن الأمني، خاصة اثر هجوم باردو. فيما يرى عدد آخر أن الجهود المبذولة لها تأثير مبدئي، في حين يعبر آخريين عن عدم اطمئنانهم على سلامتهم الشخصية.

" المشكلة الكبيرة متاعنا في القصرين هي الإرهاب ونظن إنو الحكومة قاعدة تخدم بش تحاربوا" أنثى، 25 ، قصرين، طالبة

" رغم إنو فما برشا هجومات إرهابية أما نحس بأكثر أمان. الأمن قاعد يكثر ويتحسن، ممكن على خاطر المواطنين متعاونين أكثر مع البوليسية" ذكر، 32 ، تونس، يعمل

" الحكومة ما تاخو موقف كان كي تصر كارثة كان مش هكا ما تعمل شي" أنثى، 26, بنزرت، تعمل

" الأمن ماشي في الطريق الصحيح. فما إستقرار... الأمن كان أولوية بالنسبة للدولة" أنثى، 29, بنزرت، تعمل

" الوضعية الكل ماهيش واضحة. يقولنا أنهم قتلوا ارهابيين و يوريونا تصاورهم، شكون يضمن أنهم صحاح؟" أنثى، 57 ، تونس، يعمل

" ديما خايفين ؛ وقت إلى نمشيو نقضيو يفتشولنا في سيكانا، ونحسو إنو الكل مشتبة بينا. نحسو إنو ديمة مراقبين. فما خوف في عينين الناس. الإرهاب مضرة لينا." أنثى، 63, تونس، ربة بيت

" الإرهابيين تعودوا انهم يهاجمو البوليسية؛ تو ولاو يهاجمو في المواطنين.... وسعوا مخططاتهم وبدوا يهاجمو الأماكن العمومية والمواطنين على خاطر البوليسية ضيقتها عليهم" ذكر، 62 ، صفاقس، يعمل

" صحيح إنو الحكومة بدأت تخدم هنا هنا أما حسب رايبى فشلت في تصدي الارهاب. الإرهاب وصل للعاصمة. وهذي حاجة خطيرة. معادش مشكل الجنوب بركة تو ولا مشكل العاصمة." ذكر، 25 ، قصرين، يعمل

الأمن- أسباب الإرهاب

يرتبط إستقطاب الإرهابيين إرتباطا وثيقا بعروض المال المغرية ومشاعر الإستياء من رجال الأمن والتأويل الخاطئ للإيديولوجيا الدينية. تختلف وجهات نظر المشاركين حول مسألة ما إذا كان للخصاصة وقلة الفرص الإقتصادية دور في دفع التونسيين نحو التطرف الديني.

" ممكن الواحد يولي إرهابي من جرة المجتمع، والفقر وإلا من جرة المعاملة الخايبة متاع البوليسية مع المواطنين. نقصد واحد كي يتعذب ويتعنف من بوليس ينجم يولي إرهابي.... رينا برشة إعتراقات في الفيسبوك تبين انهم ولاو أكاكا من جرة الوضعية الإقتصادية والإجتماعية والنفسية" ذكر، 29، صفاقس، يعمل

" فما عباد تمشي على خاطر الفلوس وعباد تمشي على خاطر الجهاد. فما شكون يظن انهم يحاربو من أجل سبب. وفما شكون مشاو على خاطر هاربين من الوضع" أنثى، 40 ، صفاقس، ربة بيت

" [الإرهابيين] يكرهوا النظام القديم.... وقت إلي الدولة تضيق العيشة على العباد ينجمو يهزوا السلاح ويطلعو للجبل" ذكر، 27 ، قصرين، عاطل عن العمل

" وقت إلي يشدو الشباب على خاطر مشتبه بهم انهم ارهابيين، يهزوهم للقرجاني⁸ ويعذبوهوم. وقت إلي يسيبوهم يوليو يحب ينتقمو ملي عذبوهم" أنثى، 27 ، قصرين، عاطلة عن العمل

" [الإرهاب] جا من غياب الضمير. الجماعات إلي يذروهوم بش يوليو ارهابيين يا إما بش يدبرو فلوس وإلا يغسللهم مخاخهم بالدين ويردوهم يشوفوا العالم بطريقة أخرى وعندهم عقليات أخرى." أنثى، 28 ، بنزرت، طالبة

" فما عباد مرضى، عندهم عقد أجتماعية ونفسية، ولاو ارهابيين.... بالنسبة لينا نحن، الارهاب سر فيه أبعاد: التعصب الديني والتلاعب السياسي" أنثى، 51، تونس، يعمل

" المتعصبين يأتروا على الشباب المهمش ويحكيو معاهم على الربح المادي و المكافآت الروحانية إلي بش يكسبوها وقت إلي بش يمشيو للجنة." ذكر، 62 ، صفاقس، يعمل

الأمن- الحلول لمكافحة الإرهاب

يؤيد المشاركون مجابهة الأمنيين للإرهاب على المدى القصير، طالما أن هذا لا يمس بالحريات المدنية. مشيرين إلى الحلول المحتملة على المدى الطويل والمتمثلة في إصلاح المنظومة الأمنية، والتنمية و التعليم والتأكيد على وسطية الدين. تتحمل الحكومة مسؤولية مكافحة الإرهاب لكن هذا لا ينفي دور المواطنين في ذلك.

" فما زوز حلول لمكافحة الإرهاب: الحل المؤقت في ادين الجيش والسلاح، وحل جذري عن طريق التعليم الثقافي" ذكر، 26 ، تونس، طالب
" ما لزمناش نكونو متسامحين مع الإرهابيين. لازم يتعاقبو بكل حزم بش يخمو مرتين قبل ما يعملوا أي حاجة" أنثى، 27 ، صفاقس، عاطلة عن العمل

" الحكومة لازم تقوي سلك الأمن وتتنذب أكثر رجال أمن وعساكر" أنثى، 36 ، قصرين، ربة بيت

" الحكومة لازم يكون عندها إدارة مخابرات قوية بش يحاربوا الإرهاب.... أما لازم نردو بالننا بش ما نرجعوش إلى نفس الممارسات القديمة وتهديد الحريات وحقوق الإنسان" أنثى، 52، صفاقس، تعمل

" هو دور الحكومة ودور العائلة. لو كان الوالدين يراقبوا صغارهم راهو ما صار شي" أنثى، 45 ، صفاقس، ربة بيت

" كلنا مسؤولين على مكافحة الإرهاب" أنثى، 25 ، قصرين، طالبة

" لازم وزير الشؤون الدينية يراقب الأئمة في الجوامع على خاطر فما شكون فيهم يعطي في معلومات غالطة على الدين" ذكر، 35 ، قصرين، عاطل عن العمل

" ساعة لازمنا نردو بالننا من الجهات المحرومة.... و ثانيا لازم نخدمو أكثر على الثقافة. وثالثا لازمنا نحسنو في مستوى البوليسية" ذكر، 66 ، بنزرت، متقاعد

" لازمنا نعلموهم ونرفعوهم من الوعي متاع الشعب . لازمنا نفسرولهم إنو هذا مش الدين متاعنا" أنثى، 25 ، قصرين، طالبة

الأمن- مشروع قانون زجر الإعتداءات على الأمنيين

أعربت أغلبية بارزة من المشاركين على أن مشروع قانون زجر الإعتداءات على الأمنيين يمكن أن يوظف في الحد من الحريات المدنية ويمكن أن يؤدي إلى نتائج عكسية. بينما يرى عدد قليل أن هذا القانون هو رد ضروري على الوضع الأمني الراهن.

" البلاد قاعدة تحط فينا مابين المطرقة والسندان يعني لازمنا نختارو ما بين الإرهاب والترهيب" أنثى، 36 ، قصرين، تعمل

" حاجة واردة إنو وقت إلي نحاربوا الإرهاب بش ندخلوا في الحريات الشخصية ويكون هذا ضد العباد العاديين. وهذا إلي نخافو منو." ذكر، 58 ، قصرين، يعمل

" تره نتخيلو ولدي يلعب في الشارع ويضرب كرهبة البوليس بحجرة. يحبسوه 5 سنين؟" ذكر، 32 ، صفاقس، يعمل

" لازم يكون فما قانون يحمي المواطنين زادة." أنثى، 26 ، بنزرت، تعمل

" نقترح إنو يكون قانون يحمي حياة الجيش والبوليسية ضد الهجمات الإرهابية... لازم يقر إنو ما لازمهمش يستعملو السلاح ضد عامة الناس وقت إلي تبدى حياتهم مهددة." أنثى، 58، بنزرت، تعمل

" ياخي مش القمع نوع من أنواع الإرهاب؟ كفاش بشن نكافحو الإرهاب بالإرهاب؟ فما عباد ولاو ارهابيين كردتفعل تجاه قوات الأمن." ذكر، 29، صفاقس، يعمل

" [القانون] بش يخلي قوات الأمن منعزلين على باقي الشعب ومش متفاهمين معاه، وهذي حاجة خايبة على خاطر بش تخلق مشاكل." ذكر، 60، تونس، يعمل

" ما لزمناش نقايضو والا نتسامحو في حورياتنا على خاطر الأمن... كمواطنين بش نحاولو نعاونو نحدو من الإرهاب وانشالله ننجحو أما ما لزمناش نرجعو الدولة البوليس إلي يحكم بالعصا ونرجعو للممارسات القديمة كما إتهام العباد بالباطل علا خاطر ما سايرش بوليس" ذكر، 47 ، تونس، يعمل

" أن مع القانون هذا على خاطر هيبة البوليس ووزارة الداخلية تساهم في هيبة الحكومة... الجيش والبوليسية قاعدين يموتوا كل يوم من غير ما حتى حاجة ولا حد يحميهم" أنثى، 63 ، تونس، متقاعدة

أولويات المواطنين- التعليم

هناك تحذيرات متنامية من مواطن ضعف القطاع التعليمي التي يعتبر المشاركون أنها في تزايد خلال السنوات الأخيرة. يُنظر إلى هذه النقائص على أنها الأسباب وراء التحديات الاقتصادية والأمنية الراهنة. عبّر عدد كبير من المشاركين عن رفضهم و إستنكارهم من إضراب الأساتذة.

" التعليم ماشي في الطريق الغلط. ولادنا ما عداوش إمتحانات التريمستر الثاني. معادش متحمسين بش يقرأو ويتعلموا." علاه الأساتذة يعمل في إضراب وقت الإمتحانات؟ هذي بالحق كارثة للتلامذة إلي يلقاوا رواحهم البرة في الشارع وقت الإضراب متاع الاساتذة." أنثى، 43, صفاقس، ربة بيت

" قرية 5 سنين في جندوبة وعامين في منوبة... تلامذة الليسي إلي قريرتهم في جندوبة ما عندهمش أستاذ موسيقى قبلي.... ما تشوف كان عباد تسب في بعضها وتعنف في بعضها في ليسييات على خاطر صغارنا ما عندهم وين يمشيوش بش يتفهدو لا في المدرسة ولا البرة." ذكر، 33 ، تونس، يعمل

" عموما نجمو نحس إنو مهمش لاهين بالصغار ولا يصروا فيهم بلقذة. المعلمين ما يهتمش التلامذة يفهموا والا لا" أنثى، 50 ، تونس، تعمل

" ولادي باهين في المكتب أما لازم يقرأو دروس خاصة، على خاطر التعليم ياسر طايح في تونس. وكما تعرف الدروس الخصوصية تطلب ميزانية، يعني نقترح انهم يسهلو في القروض الصغرى على خاطر المستقبل. قرية صغارنا هي مستقبل بلادنا" أنثى، 51, تونس، تعمل

" الجامعات متاعنا ما تاخوش بعين الإعتبار تطلبات سوق الشغل. فما عباد ياخذوا شهاد في أختصاصات إلي ماهيش مطلوبة في سوق الشغل. النظام التعليمي لازم يراجعوه" ذكر، 34 ، قصرين، يعمل

" قبل، كانت فما شعبة في ليسي اسمها " التكوين المهني" تبدى من السنة الخامسة كما الأداب والعلوم الى اخره. توا ما عاش فما هذا." ذكر، 31 ، صفاقس، يعمل

" كأستاذ، ندعو وبالحاح لمراجعة النظام التعليمي.... المشكل إنو توا 40 مدرسة أبتدائية خاصة.... وهذا السبب الأساسي إلي خلانا نعملوا الإضراب. نحن ندعيو التعليم عام ومجاني للناس الكل" ذكر، 37, صفاقس، يعمل

أولويات المواطنين- الصحة

يرى المشاركون أن قطاع الصحة في تدهور سريع النسق ولقد إستشهدوا به كمثال على التفاوت في التنمية بين الجهات. تعد الخدمات الصحية السيئة التي تقدم في المستشفيات العمومية سبب إنزعاج المشاركين وعائلاتهم.

" حتى لو كان يغمضوك عينيك، بش تعرف إنو إنت في سبيطار القصرين على خاطر حالتو حليلة. ما عناش ماتريال، ولا أجهزة و قسم الاستعجالي معبي كان بالجراتيم" أنثى، 25 ، قصرين، تعمل

" فما عباد يمرضوا وما يلقاوش كفاش بش يداواو. فما فرق كبير ما بين السبيطار والكلينيك. أن نخدم في كلينيك، وساعات نمس للسبترات بش نزور صحابي وعلى أقاربي. الظروف ال غادي خايبة على لخر: الزبلة في كل بلاصة والمرضى يعاملو فيهم بلخايب." أنثى، 50 تونس، تعمل

" الطبة ما عادش يهملها في المرضى. بنت عملت أكسيدون عامناول . تلازيت بش نبدلها من السبيطار للكلينيك وقت إلي كنت في كوما من جرة الخدمات الخايبة. تصوروا عطاو للطبيب دوسي غالط مش دوسي متع بنتي" أنثى، 43 ، صفاقس، ربة بيت

" ولدي يصر في المدرسة. نهار وهو مروح للدار، داخ وتكسرت ساقوا. هزيتو لسبيطار نهرها لقيتهم مقرفين. مالا إلي ما عندوش فلوس بش يمشي للكلينيك يموت. ولدي المعلم توا عندو 8 أيام في الدار وقالولو ما تنجم تعمل العملية كان الجمعة الجايت." أنثى، 36 ، قصرين، ربة بيت

" " يحب يبنو سبيطار آخر في صفاقس و الحاجات هذي ما عندها حتى فايذة. نحن ديجا عنا 2 سبيطارات وكلينيك. علاه [وزير الصحة] ما يخمش بش بيني سبيطارات في قابس وإلا قصرين وإلا سيدي بوزيد" ذكر، 48 ، صفاقس، يعمل

" لو كان واحد من الريف يمرض لازم يجي للسنتر متاع القصرين بش يتعالج على خاطر عنا سبيطار واحد. وكما تعرف صعب بش تلقى وسائل نقل بش تجي لسبيطار. يعني العبد يموت قبل ما يخلط. ما نعرفش علاه ما يحلوش سبيطارات أخرى في الأرياف بش يلقاوا الناس خدمات صحية بكامل السهولة. وهذا يخلق مواطن شغل. ينجمو يخدمو منظمة مثال" ذكر، 33 ، قصرين، يعمل

الشباب- التحديات

يرى المشاركون أن نسبة البطالة المرتفعة في صفوف الشباب هي العائق الأساسي الذي يواجه شباب تونس اليوم. في ظل غياب فرص تحقيق الإستقلال الإقتصادي سيلجأ الشباب إلى منافذ أخرى للترفيه ولإثبات النفس.

" من أكثر الحاجات الخائبة إلي عملها النظام القديم إنو خلص برشة جامعات عمومية وخاصة وبرشا شباب خذاو شهايد مش مطلوبة من سوق الشغل" أنثى، 58 ، بنزرت، تعمل

" عنا ما يقارب 800,000 متخرج بطل. يعانون من كعبات أقتصادية. وحياتهم الثقافية فارغة زادة." أنثى، 52 ، تونس، تعمل

" لو كان تمشي للعاصمة تو تحس الفرق ما بن شبابهم وشبابنا. تقولش عليهم بعاد علينا 100 سنة. عندهم جمعيات، عندهم حافز. لهذا الشباب ميت. مقتولين بالفقر والمخدرات" ذكر، 25 ، قصرين، يعمل

" فما شباب ما يحبش يخدم حتى لو كان تعطيه خدمة باهية. على خاطر مكه بش يرضاو بلشهرية وعلى خاطر البخل ضاربيهم. وزدا يحبوا يخدموا كان في الإختصاص متاعهم" أنثى، 60، تونس، ربة بيت

" قدمت مطلبي بش نعمل أسناد معوض أما رفضوني قالولي لازمك تجربة. باللهي منين بش نجيبها تجربة وأن في الدار؟ شكون بش يخليني نعمل تجربة؟" ذكر، 30، بنزرت، يعمل

" [الشباب] ضحية الفقر والعنف والإرهاب. هما ضحايا متاع الواقع هذا. ما عندهم مش فرص على المستوى الثقافي وإلا الإجتماعي. الواقع هذا يخلي الشباب بش يخمم يحرق ويموت في البحر. الواقع هذا هو إلي يخليهم يوليوا عنيفين ويستعملو في المخدرات" ذكر، 29، صفاقس، يعمل

" الشباب لاهي كان بشبكات التواصل الإجتماعي والدخان والمخدرات وعادات أخرى خائبة. علا أكاكا تراهم بعاد التواجد الإجتماعي." ذكر، 62، صفاقس، يعمل

الشباب- الحلول

حسب رأي بعض المشاركين، يبدأ تمكين الشباب بإصلاح تعليمي وإقتصادي شامل. بينما يحث آخريين الشباب على ضرورة المبادرة بالخطوات الأولى لكسب قوتهم.

" ننصح الشباب بش يدخل في الجمعيات الخيرية. ويعيبو أوقات فراغهم بأنشطة تنفع. لازم ينخرطو في المجتمع ويقبلو بش يخدموا حتى بشهريات قليلة بش ينجمو يكتسبوا خبرة" أنثى، 51, تونس، تعمل

" لازم يكون فما اصلاحات في النظام التعليمي بش نجمو نخلي أكثر تلامذة يعمل تكوين مهني. فما الذكيين إلي يتخرجوا ويوليو اسادة وفما المتوسطين إلي بش يوليو بلومبي وإلا حتى هما يخلصوا بلباهي." أنثى، 52, صفاقس، تعمل

" الدولة لازم تكاهج الشباب المتخرج بش يخلق مشاريعو الخاصة. لازم يسهلو إجراءات القروض بش الشباب المتخرج ينجمو يخلقو خدم لرواحهم" أنثى، 25, قصرين، طالبة

" نتمناو لو كان جاء عنا الحق بش ناخذوا القرارات مع الأحزاب السياسية بش تكون حاجة مهمة لنا أما هذا مش بش يحصل" ذكر، 26, تونس، طالب

" ننصح الشباب بش ما يكونوش ياسين ولازم يتفانلو. لو كان ما يلقاوش خدم في إختصاصتهم لازم يلوجو على حاجة أخرى. مازالو صغار." أنثى، 36, قصرين، ربة بيت

" بش ما ينحرفوش وإلا يمشيوا المشاكل أخرى لازم شبابنا يتلهم بالأنشطة الثقافية والترفيهية، لازم يخلقولهم فضاءات مش كان في بنزرت أما في كل الجهات" أنثى، 58, بنزرت، ربة بيت

" شبابنا لازم يكون واعى ويخدم ويخطط إلى مستقبلو... المشكل متاع شبابنا إنو يجب نتناج فوروية" ذكر، 59, بنزرت، يعمل

" ولدي تو يتدرب عند حداد الحومة. توا والآل طيارة في المجال إلي درب فيه. قاعد يقرا في نفس الوقت. وفي المستقبل وقت إلي يتخرج كان ما خدمش بشهادتو ينجم يبدأ مشروعو الخاص في المجال هذا إلي تدرب فيه وإلي يحبوا زادة" أنثى، 58, بنزرت، تعمل